

四庫全書

集部

欽定四庫全書

集部

御製詩二集卷五十九

詳校官尚書

臣德保

助教

臣常循覆勘

總校官原任中允

臣王燕緒

校對官中書

臣朱圻

謄錄監生

臣潘璣

欽定四庫全書

御製詩二集卷五十九

古今體一百三十四首

乙亥六

題張宗蒼畫

宗蒼謝病南歸去著壁雲烟昔偶忘搜索應教吟句遍
笑予當面失馮唐

七月朔日立秋

恰是雙秋始還看半歲分祝融猶戀暑列缺已驅雲花

氣承濃露林光翻薄曛蟬聲辭夏往蛩意報人聞籌歲
西成近惜陰乙夜勤伊犁萬里外凱唱早還軍

賦得秋日懸清光

夜雨真優渥朝晴恰朗鮮含輝九霄燭耀采一輪懸雲
縷開如避蔭階照似延縱炎消潤溽不愛亦清便摒擋
阮家筍依遲李氏磚宜暘華黍候農父盼逢年

觀稼誌喜

燕趙不宜麥難與齊鄭同春月例愁旱十歲九不豐今

春甘澤頻餅餌家家充黍高及稻下蔚綠齊芃芃收麥
復種蕎連阡色亦濃邇來晴雨時潤暄協農功既秀亦
既實可卜京坻逢視朝具鴻儀有事返法宮恰值夜雨
霽策馬觀南東被畝穰穰露拂隴油油風祈年我夙心
宵旰廛憂忡額手祝屢綏此念終何窮

新秋瀛臺雜詠

雨霽輕輿登趵臺假山窈窕復崔嵬補桐書屋芸編展
金井葉飄書案來

紅樓翠樹俯澄瀛砌下蟲音似有情半月風光剛瞋眼
幾多秋意逼人清

綠船涇涇泛蘭漪
爽拂秋風太液池
一帶輕煙纔傍岸
露珠猶在柳絲垂

雲閒天淡真佳候
夜雨朝晴最稱心
底事此中翻切切
曰予無處可忘欽

視朝

曉日觚棱露氣鮮
太和朝

音招

御奏宮懸有來袞袞皆羣

后惟曰繩繩欲萬年予意詎如常例視侍臣誰進早朝
篇無為垂拱猶增愧臨保心殷勵體乾

長河進舟至昆明湖

高梁橋外放烟舟兩岸蟬聲響報秋今歲真饒十分幸
往來常看黍如油

點綴茶亭復酒家川途廿里一帆斜最憐阿那沙汀畔
蘆荻蕭蕭已作花

疏剔泉源治水田鱗塍蔚綠埭河邊今年雨足資輸灌

岸者勤休獻眼前

岸蟲入聽不為喧曉露荷香數里繁伊軋舟行忘近遠
鏡中早見鳳凰墩

鳳凰墩

傑閣水中央佳名號鳳凰樂非虞帝致詩覺謫仙長拂
席一時憩開窓四面涼如觀子昂畫
石渠寶笈有趙子昂荷亭消夏圖
饒是益清香

新月

七月六日

襄雲開處一痕纖
淦淦寒光細細尖
遮莫清宵宜獨坐
中人慢下水晶簾

七夕

西峰秀色靄宵煙

西峯秀色為圓明園四十景之一七夕巧筵常設於此

又試新

秋乞巧筵今古女牛幾曾別
往來烏鵲為誰填
山圍河洛思榆塞
盒鈿絲蛛異
去年去歲自山莊畱蹕行兒女
子情我何有一因耕織祝心虔

泛月

蘭舟發枉渚沿緣臨平湖平湖夕籟涼冰輪印方諸愛
此宜秋色朗朗復如如點綴無纖雲高標惟碧虛湧金
難為狀浮玉誠何須棹緩防盪荷帆輕可友鳬岸蟲已
如斯爝火何為乎既不濫飛觴亦慢勤披書颯然清淨
光吾意與之俱

新秋討源書屋

問

安萱祀退視事翰齋臨霽後池塘淨秋來山水深丁星

花弄紫颯笛竹鳴金易簡乾坤蘊誰能究旨音

徐賁廬山讀書圖

峰翠罨林蒼依巖構草堂試問研精者先生可姓匡

喜晴

七月十一日

暑雨民怨咨今年暑雨無亦不慮炎暵甘澤時霑濡高
黍及下稻苗碩知農夫昨朝膩雲合細霖達日晡入夜
霏雖歇靈霽仍密鋪情知未妨稼其奈念躊躇已佳益
患失同然而况余金風西北來片片天衣徂颯涼生殿

閣蟬聲在高梧心為較農喜情因即景攄敬勤無始終
寧可欺民愚

昆明湖泛舟

雨後明湖生嫩涼壽峰翠濯水中央已欣蓼穗深添色
却惜荷花暗減香

煙光離合柳千株掩映溪堂別一區屈指昨來曾幾日
綠舟言泛是秋湖

露下波澄又一時蟬聲流出最高枝無將懷意清秋景

遮莫仍懷宋玉悲

題望蟾閣

高閣湖心號望蟾每來小坐未曾淹何嘗座裡披金鏡

為憶階前響玉籤

率在圓明園駐蹕尚未登此望月也

虛濶情知景無二

因緣時見曉餘尖却欣八面珠簾捲水色山光取次拈

即事三首

高燭秋空曦彩晶宜陽多稼近西成軒齋颯爽疇咨罷

苑外欣聽逐雀聲

底定遐荒詠止戈書年幸復遇嘉禾寧知此際心增畏
圖易思艱事正多

結習由來韻語親欲排綺練返清真三唐每亦閒抽繹
磬折吾心得幾人

詠早桂

性與皋塗合沿林覓早芳誰知一枝解便放滿天香松
自高標翠菊寧獨占黃去年詩約負

去秋幸吉林花
開時正在途間枝

癢故應當

中元夕放河燈

潸沆滄池濯錦鮮
湏臾萬頃綻金蓮
波如不夜無邊朗
月是今秋初度圓
人喜雲消更風定
舟行後浦復前川
良宵真是安心所
那藉瑜伽六度禪

雨

七月十七日

婪尾炎燄稍覺煩
恰欣涼雨滴秋園
大蘓赤壁遊方罷
小謝輕埃落正繁
斷續筠梢玉簫按
高低荷蓋汞珠翻
晚蕎霜菜皆增潤
樂為民生觸目存

待月

七月十八日

宜人秋月不可孤過望未減寒光鋪玉輪雖遲聊待諸

泛我平安月鏡居

竹船之名

言尋西岸瞻東隅有如南樓康

樂夫望所遲客方踟躕金綫一縷拖扶疎如鈎如璧只
須臾依然全體呈夜珠素彩斐氣流滿湖盪誼愜蘊有
是乎樹姿波態皆清都棹歸寧可長夜娛流陰一瞬不
我須

西北風二首

細雨剛教秋菜滋
驅雲賴有好風吹
樹間颯沓金聲動
恰是歐陽點筆時

階際苔痕綠尚滋
一天爽塏不禁吹
每因望雨愁西北
此日欣然要在時

秋英

奚分嫩紫與深紅
一例金風玉露中
庶子春華何足喜
家丞秋實竟堪同
蝶迷烟處霏朝埒
蛩語涼時艷晚叢
只剩黃花還有待
恰如蓮社隔陶翁

初秋靜明園

一夜西風變峭涼，靜明咫尺攬秋光。
筠含籟戛金石韻，花湛露霏錦繡香。
玉塔高凌天北極，翠峰孤落水中央。
犁雲亭上心偏喜，極目祥雲色漸黃。

開錦齋

高齋倚石壁，著我覓題來。
一晌秋雲過，千章錦繡開。
襄陽思入妙，烏目韻真該。

王翬有絕壁過雲畫，靜悟當前意。翬一號烏目山人。

理兩翁猶費材

湛華室

乳竇出琴峽其聲哀玉然幽室踞虎豹綠牖青蔥間布
席容十笏座臨鏡中天石罅梳碧藻簷影翻清漣何當
深夜坐手掬秋蟾娟

竹鑪精舍

蟬眼魚眼聲潺潺芽小試蕭晨間筌蹄已忘悟秋水
伯仲之間見惠山氣霽波披古銅鏡雲開峰巔青玉鬢
忽憶明春聽松處

惠山有聽松菴明春
南巡將至彼故云

遐心早至梁溪

灣

讀史丹傳

史美頃侯輔道周皇孫燕啄竟貽憂恰如杜牧評黃綺
不是安劉是滅劉

老少年

是藥皆花錦十樣階前石畔擅風流叢間接取灩灩露
飲硯攜毫字字秋

竹扶秋色過墻來

花譜以長竹扶之可以過墻

朔氣嚴霜且謾摧指

示老人渾似此逢場何處不顏開

秋思迎人韻颯風輝輝不待雁來紅

紅是花一名雁來紅

淮南門

者如嫌老色似桃花是八公

澹存齋

書室俯澄瀛澹存因得名天光含上下月影印虧盈坐處心同澈披來志以明南華何用展秋水面前呈

玉玲瓏館

湖石三四峯湘筠五六箇月下詭狀獰風前清影簸詩

渾白濁吟畫是倪迂作發興在宣毫澄懷當筍座而我
每少間隔月纔一過

叶

張宗蒼松雲溪館

水自清澄山自高臨溪亭子覆梭毛大行何似龍蛇逸
攜客聊因話廣驂

題雙鶴齋

翬翬松陰復竹邊雙來疑是下青田參軍賦句無須讀
弄影奔機意總仙

秋日玉泉山西

策馬玉泉西言至香山遊香山亦豈遙濶別忽歲周屬
我事莫遠軍書待勤籌避壤既歸順止戈惟懷柔值此
萬幾暇時佳正清秋翠峰迎面展未至氣先投大野華
黍風穰穰復油油睠彼場圃間早熟已畢收豐年我莫
知雞犬覺繁稠三時厯心曲一晌舒眉頭所樂良在茲
或匪嘉兵倖

香山靜宜園六韻

山以仁為德秋惟靜與宜樹猶張翠色風自富涼時久
別如初遇澄懷更起思嵐光窗裡納松影座間移參畫
真無盡過駒有若斯輕輿問前景欲去且遲遲

棲雲樓

攀陟因之躡玉梯棲雲今日少雲棲悟是雲閒天淡候
棟間也自意淒淒

歡喜園二首

精舍隣竺宇名以歡喜園德水正臨砌禪枝亦繞門旂

影動皆靜磬聲寂不喧偶來寄清暢把筆還忘言
佛誠忘物者何以云慈悲物物皆得所乃其歡喜時我
有臨民責其義應若斯惟其後樂切是以先憂滋憑窓
攬西成歡喜暫在茲

來青軒

軒榭與雲平青山畫幃橫泉分嶺腰色籟聽樹頭聲俯
暢延遙矚秋花綴露英壁間題句在識我去年情

林天石海

木蘭林之天田盤石之海巖壑此雖窄兩美意俱在排
闥罨蔥蒨扶階疊礪秋氣一以澄盤薄露真宰問奇
我惟偶發興茲則每

靜室

肩輿凡幾憇遂造最高處靜室無不靜於秋靜益助山
風作聲峭澗水為色素寥朗極遐觀俯仰欣始遇寧非
我向來不留習去故

臯塗精舍

當秋探興境信步得禪關聊憇書齋靜因憑松牖間野
花還自馥澗實未全殷數上聲樹尋金粟何殊賦小山

細雨

日午忽作熱乘涼向林間千峰爭吐雲布空只斯須颯
颯飄寒絲時密還時疎瞥眼旋放晴嵐光幻有無迴頭

語棲雲名下果無虛

適題棲雲樓有棲雲今
日少雲棲之句故云

碧雲寺

山寺清幽號碧雲竭來正值淡秋旻時霏四點五點雨

都現滿字半字文野鳥下來談梵諦俗僧去盡悅聲聞
鑪中何用沉檀火意葉心香大地薰

試泉悅性山房

招提北首構山房松竹陰森四座涼每試名泉知性悅
況當淨域領秋光魚如不翼飛雲表荷自無根茁嶠傍
為澗為溪功德遍誰知天半此源長

洗心亭

亭子山房側題簷號洗心水周八面澈竹護四隣深空

翠波間落秋陽峰罅臨雲棲同異處

浙江雲棲寺前明亦有洗心亭

歲試重尋

題張宗蒼山水

山水處張山水畫憑觀忽訝未題詩精神入後無差別
正是靜宜秋曉時

玉乳泉五首

遊山有餘興散步問名泉半嶺夕陽照千林翠影鮮
是處有修竹戛籟聲重重何異雲棲徑叩禪關所逢

秋氣澄石泉淨呈太古鏡不為整衣冠堪因悅心性
蟬聲亮高樹蛩語咽寒草日用而不知一泓印了了
有照皆澄澈無波亦漪漾不教安竹爐為嫌太著相

夕

暝色羣峰真靜宜雲莊松牖且棲遲去年眠月今宵榻

一日遊山廿首詩

是日作詩
凡廿二首

暫寄清閒怡物表仍馳念

慮逮西陲懷徠縱是膚功就長治久安正厯思

香山廻蹕憇靜明園之作

策馬別巖扉，憩蹕留雲館。
秋曉氣益清，露濃香越滿。
初日上東嶺，流光被西巘。
萬狀不可名，妙理神機衍。
何須較彼此，興正復不淺。

藻鑑堂

順水輕船放玉河，沼宮忽到覺無何。
聊因乘暇清懷適，最是宜秋詩意多。
表裡湖山含動靜，虛明今古印義娥。
憑臨澄照真無滓，豈必銅旃喻待摩。

寫秋軒

氣清天復朗觸目仲秋時庭下種楸樹中人能爾為

恭奉

皇太后幸塞外啟程之作

西戎底定素節方臨將宴凱旋之師亦賜新歸以
爵載塗者有需時日垂暇而先舉獮蒐覬謁便以
木蘭燕行仍於山館匪效上林之為周陟繁重爰
示我朝之度振古如斯用誌言懷無非事者

曠日金風發蹕旌武成愷樂愜輿情分茅有待均頒惠

橐矢方將大會盟萬里伊犁朝北極三秋多稼閱西成
安輿可識增忻豫

福壽駢臻算介瀛

過清河

石橋十里御園東又策行秋安吉驄滿目雲山澄素節
一川華黍颺金風

收麥原田復種蕎白華被隴露天有秋略慰吾民望
吾慮淮揚望轉遥

今秋下河州縣又
有被水者故云

短衣驕馬正秋清
鈴馱輜車各趨程
詎止秋蒐尋豫樂
諸凡要欲驗輿情

雨中過懷柔縣

古縣青山表長亭
秋雨前冥濛連遠色
掩藹暗輕烟陌
柳絲添重畦
蔬葉正芊宜
人憑颯景不覺
緩鳴鞭

新月

萬里秋空淨如洗
一彎新月淡無痕
輪遲滿魄光猶淺
色照羣山暝不昏
颯笛已增寒
淅淅虛無那
辨兔爰爰

行宮古樹常經慣即景今宵略可論

出古北口

霽景嶙峋朗曉山古來控北數

上聲

雄關常修塞猶三秋

過早見巖楓一樹殷埤垧幾重就頽廢工商萬室輳
闌於今惟厯懷柔脩外戶伊犁詎此間

烏沙爾器

樹名生塞外秋結紅果一枝纍纍千百顆見廣羣
芳譜

紅子垂垂綠葉飄巖闌一綫限春翹女夷賦物饒神解
塞外奇蕤映綺寮

是果皆花自作林珠囊錯落翠陰森笑他移植郭駝拙

只許行宮伴倚吟

常命移植御園雖成活而不茂地氣之限有如此者

珊瑚為寶玉為葉艷發秋風也自豪不向廣羣芳譜檢
只疑天竺與櫻桃

常山峪行宮疊舊作韻

行宮向題句勒壁跡成前此日方綏遠流沙已擴邊凱

歸應勞酒新，附合賓筵翠。早臨遙塞黃，雲閣有年窓閒。
一晌靜霽後，萬峰妍詎曰。今無事吾方，未息肩。

駐蹕避暑山莊作

中外而今果一家，止戈奉朔邁流沙。兩臨先是曾施惠，
去歲都爾伯特台吉策凌等來歸。以五月宴於山莊，比
輝特台吉阿睦爾撒納等繼至。十一月再至山莊，錫宴。
大賚茲番永定，遐雲館桂芳秋正。半山田黍熟，歲云嘉
勤民繼。

武願俱愜，惟日孜孜敬益加。

永恬居

峯翠屏張後溪清帶繞前重臨舊書室靜對好秋天不
約神襟朗那求俗慮捐偶成四十字但未必皆賢

張宗蒼白雲紅樹

北來重見南宗筆畫裡全收戶外山過眼驚懷去秋景
補吟聊趁此時閒

清舒山館

迤邐林扉敞碧闌清舒聊趁片時閒最宜天朗日晶候

況復山環水抱間野卉向陽還艷冶石泉帶冷自潺湲
坐中檢校前題句不隔如斯孰往還

金蓮花

水玉裁為葉黃金鏤作英的知極樂國方見此花呈

寫心精舍

欲因山水覓知音精舍居然向碧林大塊何曾鎮韜蘊
高秋常自効深沉翠烟低處巖鳴鹿白浪衝開渚下禽
觸緒由來成靜觀去聲不知寫者更何心

翠雲巖

英英今日吐來稀
借問雲閒是也非
莫謂幕巖滄蔚少
丹青片片剪天衣

題張宗蒼畫

畫蹟忽忽未題句
含毫南望騁遙懷
恰如搜剔尋巖穴
境越幽深趣越佳

熱河啟蹕幸木蘭之作

數日山莊慶典循
木蘭時屆鹿牲牲

白露後鹿始出聲而鳴人肖其聲可

呼而至國語曰木蘭今
即為圍場之通稱矣

繫鞬早候一千騎

蒙古備圍例以一千二百

舉成數云

村落都看三百困向北添衣涼益峭自西馳牘喜

猶頻

新降衆台吉將至哈薩克近亦有遣使歸化之信

今年秋獮增佳話曰有

條枝執勒人

諸宰桑有命為侍衛供役者

曉月

猶是中秋月偏宜北塞晨銜峯矗高樹入水漾清淪寒
益侵川路光惟照旅人行裝都打疊縟毳覺堪親

入崖口

寒村野郭取次殫山蓋水屋入木蘭兩峰排闥相關闔
萬林開畫紛黃丹伊遜之流來西北橋上青驄催得得
駝裝車載各遵塗快獵非闕歌勅勒去秋未此鳴吟鞭
去秋由中關取道幸吉
林未入木蘭故不經此
今歲秋光如昔年鏡瀾俯看忽
自笑如何添許星星然

曉行

銀河欲落月正午踈星三五猶堪數一派嵐煙谷口橫
曉色吻昕東方明須臾朱鳥槍竿昇霜華離離冪野革

隔嶂恰聞呦鹿鳴
千幕捲撤向前頓
我亦因之為曉行
續峯並鹿紛紅紫
佳處不妨行且止
豐城客子曾有言
本意由來是山水

箬漢鮮

魚名出口外諸溪澗中狀似鱸而味鮮美過之國
語謂之箬漢鮮蒙古語謂之集伯格然尚不如吉
林之赭鱸也偶爾成咏以備方言

九曲伊遜

平聲

水有依葦尾魚細鱗秋撥刺巨口浪吹噓

陰益食單美輕嗤
獻譜踈還應問張翰
所憶定何如

羶廬疊舊作韻

磧坂連韁圓者那輕
馱拂室過明駝茅寧
且喜三間足
結構剛消半刻多
向野堦惟事剪艾倚
巖窓得號延蘿
年來飽識其中味
雁塞龍沙風月窩

行縈疊舊作韻

豈無山月映松枝
愛此熒熒羶室宜
汲古時懷照若彼
勅幾宵每慎於茲
惜陰常自評今昔
喻法還因悟即離

江硯宣毫當偶靜玉蟲綴處發新思

於興安作

大幹崇盤盤靈區結木蘭山惟向北迥節應當秋寒獵
塲深益佳興安真興安林有落葉松獸多大角獐鹿鳴
哨可至雁飛俯以看漠南昔王庭海西今材官相於奉
時獨樂志餘清歡念茲匪易致永言思其艱

九月朔日作

野濶天益寥節肅秋惟季疊樹半餘紅喬柯全挺翠霜

叢燦曉華風葉含涼吹彬茲園獵場哀時易簡地扈從
有儒冠可以攄吟思

駐蹕興安綽羅斯台吉噶爾藏多爾濟等來謁詩
以紀事

定遠非勞一矢加仰流鱗集不辭遐烏孫歸去新蒙號

鰈得頻來共拜嘉開宴旋當賚黼黻

俟至熱河合新舊諸蒙古王台吉普

加宴賚賜新至者冠服是日先賜鞍馬

扈圍先此賜馬駉朝家獮狩應教

預慢擬長楊事大誇

射虎行

虞人來報虎負嵎羽林親率往斃諸度岡絕壑不數里
榛叢早見藏於菟銛鎗如雪周遭布眈眈有猛無逃處
忽然挺走衆辟易欲往前山據深樹安吉驄如闖虎驕

二馬名闖虎驕今老矣是日所御者乃安吉驄云

繭雲一策飛鳥愁追奔肯使

牛哀逸夏服在右烏號柔馥然中要只一矢炳文高架

駝峰紫厄魯齟舌頌威稜

是日新附諸厄魯持台吉適至

笑謂今朝偶

然耳

命噶爾藏多爾濟諸台吉隨圍即事得句

懷惠無勞詠匪茹橐韃左右聽相於底須截薛柵為弋

自有興安周作陸子弟三韓善枉矢後先四部讐穿鏤

厄魯特四姓又謂之衛拉特四部

山莊指日旋清蹕凱宴還賡零露清

出崖口作

崖口臨秋季景光又一新輜裝載三獲村落見高困潦

盡鳴寒瀨林稀露衆皴最憐石田熟茅屋尚多貧

九日波羅河屯行宮作

秋猶言從塞上還行宮佳節值清閒
花鮓惠逮鏤鍋長綵筆吟聯侍從班
數朶金鈴還粟里三峯玉架儼龍山

行宮東山三峯矗立名筆架山

詔人萬古如斯景河畔盈盈月一彎

木蘭迴蹕駐避暑山莊三首

背指木蘭山迢迢清蹕還祈農誠有慶
勤政本無閒疊樹留紅錦孤峯削翠鬟
雲容浮動處得句率其閒

偶寄林泉賞休言松菊存

含飴切深憶繼

武識前言山靜心逾淡秋長氣尚溫明朝開麗正

山莊前宮

門名新附遍加恩

雲色避空宇秋聲冷澗泉飛鴻下沙渚鳴鹿隔林烟何必借花柳端宜親簡編

慈闈常侍奉松鶴祝延年

山莊內所御宮名曰松鶴齋

皇太后

宴噶爾藏多爾濟等即席得句

風清日朗好秋時嘉會新藩式燕儀衆建一如扎薩克

悉臣今逮綽羅斯

四衛拉特綽羅斯氏為彼中正派向未內附茲始封噶爾藏多爾濟為綽

羅斯汗其餘王公及札薩克以次分露瀼畢令需三爵
封一如喀爾喀及內四十九旗之制
蒙古善飲酒而厄魯特為尤甚是
日汗王及諸台吉皆手賜三爵
陳烟火
詎我懷柔能致遠

神堯威惠萬年垂

萬樹園燈詞

舉首錘峯月正圓蓮花萬樹爛輝鮮
乍教秋夕成春夕
共道今年勝去年

鰲得鈞耆昔受盟賜觀燈事沐光榮
綽羅斯氏彼中貴

共拜新恩奉大清

底須節物玉梁饒菊酒纔過興尚豪四面雲山絕頂處
勝他元冑共登高

黃幕穹廬向遠開燈光月色共徘徊紫霞滿酌親分賜

義服儒冠襍選來

內外蒙古汗王台吉以次召至御前賜酒內廷詞臣亦得與賜

煙火三番萬樹園

去歲夏宴都爾伯特冬宴輝特和碩特今始合四部衛拉特而封以汗王

各銀花高下玉蛾繁今宵未弛金吾禁

自九月十三至十五凡三夕

都道居然度上元

蛭膏鶴醵千重艷雞踏龍銜萬種奇
最愛鹿鳴青嶂外
分明鼓瑟譜周詩

照夜華燈陳雁塞
借春碧海戴鰲山
綵牋書得新詞就
賡韻還催侍從班

九月龍堆了不寒
金鳧銀燕萬枝攢
恩膏永欲遐方被
宴賞寧尋一已歡

停蹕

停蹕仙莊亦有因
仰流遲待後來頻
秋潭菊落波心艷

冷砌筠翻窻影新
叢樾稀餘那隱鹿
名山住久覺親人
驛章進止饒清暇
觸處閒叅總靜真

瑩心堂

煙波淡以如

奎藻光猶宛
繹思惟服膺
將為出治本

題張宗蒼春山圖

山村水郭靜韶暉
萬物生機入畫機
幾疊青柔如濯沐
一蹊紅嫩已芳菲
漁郎忘釣隨舟去
高士行春策杖歸

著壁未題聊補詠斯人繪事自今稀

時宗蒼謝
病南歸

觀瀑

耳聞所弗及目視皆能窮所以般若諦眼冠去聲六識中

虛亭懸

睿藻

聖意契禪宗偶來閱清暇坐對飛銀龍淪漣並激湍錯
落皆真空詎惟聽何有乃至觀亦忘叶勒句鄰昔題會
心復不同

素尚齋

風勁樹葉稀秋深澗流細
盡掃丹翠紛全露峰巒致巖
居宛委藏礪道崎嶇試騁懷
煙霞標遊目塵囂外素尚
亦頻來茲焉契真義

千尺雪三首

引流疊石落飛泉千尺窻前
雪色懸漫擬春明稱轉輒
所欣結構借天然

淙淙曲注結輕冰瓷碗筠壚
此相應怪底茶烟寒不起

遠山微削玉峻嶒

奔藏四卷各傳神

山莊及西苑田盤寒山均有千尺雪各寫為圖合貯筭中每至一處四卷

皆備同異頻叅總靜因分付寒山聽雪閣臨流搜句待明

春

將以明春南巡

即事

霜重湖益澄葉落林逾靜
呦鹿叫烟懶

鹿惟鳴秋入閒冬則歛聲矣

鷗護波冷稚冬藹清暉隨時愛寒景幾餘展芸編明窓

虛且迴故知此其常相值意為永

松

千林蒼翠皆空幾株謾韻嚴風低視巖枝澗葉芳時許
爾相同

熱河啟蹕還京之作

巖館雲莊旬月稽順時行慶每折折新徠舊附霑恩遍
後舞前歌振旅齊列巘詩情寄餘興小春鞭影促歸蹄
僕人單冷還堪厖野渡驅車有凍澌

入古北口

曦影小春明
雄關返蹕旌
蒼山漸縹緲
綠樹尚逢閭
左誠云庶巖
巔已遍耕
犂鞭非問景
民務動縈情

雪

十月十三日

問夜頻聞佈
凍雲侵晨瑞
葉尚紛紛
亂飛野驛花
隨路密點寒
流玉合漬策
渡衣單緣彼
厓占農麥好
致予欣祥霽
較常年早六
幕欽調勵敬
勤

定北將軍班
第遣人解達
瓦齊至御午
門受俘

駕瓦繡紛積
瑞銀受俘軍
禮舉重新

今夏獲叛臣巴朗曾御門受俘
丹

墀羣辟齊肩侍白組名王繫頸陳天德好生還貸死

達瓦

齊雖虐亂準噶爾部實未敢犯我戎索故特寬其死祇令幽繫都中

海濱多蹇又逢屯噶

爾部通年屢遭兵燹今俘致達瓦齊意謂自今畧定不意阿睦爾撒納負恩潛逃雖不日成擒而目下窮夷不

免沙蟲之歎

刑曹憲典聊遲待

例應兵部奏獻俘囚後付刑部行刑以赦達瓦齊死故祇

令付理藩院安置

拍日歐刀割叛臣

冬月懷軍前十四韻有序

今年夏五月大兵定伊犁獲達瓦齊盡撫準噶爾之衆振旅策勲燕諸台吉於避暑山莊阿睦爾撒

納遷延途次潛遣人給取其孥約日颺去朕預有
旨命駐烏里雅蘇台大臣防備阿睦爾撒納計不
行乃獨身竄煽其黨斷軍臺恩乘間擾諸部爰命
西北兩路兵進剿諸部嚮應雖叛人可計日就縛
而屆此嚴冬勞我師旅中宵廛念怒焉不能安寢
撫事抒懷以遣永夕

千軍踰老上五月定伊犁盡撫準噶

平聲

爾生擒達瓦齊

成功真太速居盛戒無倪天道滿招損人情利致迷樊

崇降頓悔，呼拜志全。攜狼子心，終野鷹雛。飽不棲，傷心。

緣失楚。

伊犁既定，阿睦爾撒納覬得為總台。吉朕以此人必不可使獨據，準噶爾因分封四衛拉特為

四汗，彼遂萌叛志。

嫌畏已連氏。

阿睦爾撒納初叛，色沁等二三小部望風疑畏，為所煽動，旋為

官兵所殲。烏合知難固，蠻封况各提。

阿睦爾撒納叛，無所歸，有謂欲奔哈薩克布魯

特者，諸部稔知叛人反覆多詐，當必不為所容。

王師因示討義，問豈應稽念彼。

荷戈者仍吟擊鼓，兮雪山經岨。岨鐵甲卧寒淒，為此心。

常惻寧能樂獨提。馳書憐驛馬，問夜達晨雞。露布重殷。

佇永清綏狄鞮。

書無逸口占

自塞外迴鑾尚未至御園政務稍暇欲一駐蹕便
遊萬壽玉泉諸勝命閣部本章及軍營奏報到即
呈進其庶事引見俟回宮再理乃偶感寒兩日齋
中避風書無逸遣暇率成是詩

合是勤勞人偷閒擬三日閉戶養微疴懺悔書無逸
冬至

南郊

南飛金翼影長時

元時趨承

帝幕垂拱北星辰環紫極被西聲教藉

皇禧捧盈怵惕厯無數嫌畏披猖致不期

阿睦爾撒納因軍營大臣

發其逆跡懼誅思遁而將軍等不能遵朕指示即時擒戮遂致逃竄正在發兵搜捕

捷伐新俘冀

重佑永寧邊海戢貞師

雪後悅心殿臘日

嘉平瓊島景清妍積瑞凝華靄霽烟剛覺

天膏希邇日果然臘雪慶迎年粥香惟祝農祥應冰戲
還思士氣騫正值伊犁傳悔罪伊犁宰桑喇嘛回人等初為阿睦爾撒納煽誘
生變近乃深知背恩從逆之罪共思擒賊自贖

歲終

歲終九州牧民穀數胥陳

自乾隆五年命各督撫歲終陳民數穀數因以為例

口欣頻益倉箱艱相入聲

因遑云幸逢泰益厪衆多貧南

望江鄉遠灾黎正苦辛

今歲江浙復被水灾雖亟加賑恤而窮黎豈免飢寒南望縈情

時增
惕惻

除夕

燁爍雷鳴夜崢嶸
嶸嶸歲報除星辰
分節始樓閣上燈
初鬱壘新懸戶長
恩又祭書綺宮多
樂事靜觀祇如如



御製詩二集卷五十九

欽定四庫全書

集部

御製詩二集卷

六十至
六十二

詳校官尚書臣德保

助教臣常循覆勘

總校官原任中允臣王燕緒

校對官中書臣朱圻

謄錄監生臣潘璣

欽定四庫全書

御製詩二集卷六十

古今體一百五首

丙子一

丙子元旦

協紀辰元新入歲占風方面正宜時金門啟祚臨黃道
玉殿朝正有析支五福錫民欽宸負九歌頌政慎衣垂
小康蒙業遑云久日勵初心念在茲

元旦試筆

爆竹聲中曙色昭敷天萬物迓初韶緒風端日均依律
綵筆花箋又頌椒煦嫗階棠一葉展鏗鏘陞樂八音調
祈年勤政心無間思日孜孜肇歲朝

慈寧眉壽介屠蘇詠蕩天門瑞靄扶延美重庥垂萬祺
勅幾熙績奉三無已看蕃長同朝朔佇俟渠魁又獻俘
法

祖敬

天遵

聖訓持盈保泰鞏皇圖

新正重華宮

銅龍問

安迴紫鳳披圖始屏展椒餘馨帖懸勝裁綺青宮奉時
韶丹書凜敬止南望江鄉遙飢寒徧閭里西厓雪嶺外
勞苦衆軍士萬方縱小康兩端切深揣方伯新奏雪邊
郵亦報喜受俘指日期多稼三秋擬

詠玉尺

虞帝協時日周王相土年德惟擬君子度豈藉真仙人
是趙延吉樂慙荀頴川量盈雪同色呈瑞謝家篇

文徵明綠陰草堂圖即用畫中題者韻

淡蒼濃翠點斜曛遠嶂相聯瀑為分佈景要當具神解
豈同一例寫松雲

杖策常看隔岸青結茅為愛平林綠溪光開鑑擬若耶
峯色展屏即天目

生計何須二頃存家私頗喜千編積柴門靜絕剝啄聲

蘿逕間過鶴鹿跡

輞水猶疑華子岡靜聽天弄發叢菁同人各有清詞詠

儼是當年玉磬堂

幅間有徵明自題及蔡羽王寵陳師道詩因各用其韻

唐寅雙松飛瀑

袖手坐盤陀冥機俯湍瀨靜聽與澄觀妙達心神泰流
音一何長源在白雲外

偶為歲寒三友圖並題以句

節槩貞心冰雪顏相看風味總高閒恰如張許將高懌

結契清泉白石間

新正降旨加賑江浙去歲被水飢民並免米豆稅

詩以紀事

沴行三吳區哀鴻歎連歲昨秋更甚前嘉杭亦奄逮下
隰已無收幸餘高原地而何蟲生之嚴霜復早至嗟哉
惇獨民胡堪諸患萃比戶鮮蓋藏無怪穀湧貴救災艱
良方遲存屯膏意截漕及留帑旁籌入粟制復思近利
輩米豆免關稅庶幾穀漸多差免流離既轉壑念時縈

調幕顏常愧實乏大禹能匪市馮謹惠

新正重華宮侍

皇太后宴

淡蕩青陽盛禁煖瑞旭舒載陳家慶宴欣迓

大安興軟節雖纔過韶春正好初長筵列孫子諸戲舞
龍魚玉食萬方養

仙籌億數餘祥和肇皇室四海遍吹噓

丙子春帖子

歲紀重開子星杓又指寅天涯息征戰歌舞太平春

烏孫歸去各封汗協紀明時命五官訖正從前珠露海

蒙古推步家謂之珠露海準噶爾舊有之茲以歸我版圖命何國宗等挈儀器往測晷度注之憲書以示同文
條風翹首向東看

立春日瀛臺雪中春望二首

初歲欣占第一祥繽紛瑞葉應勾芒
延樓五雉皆成玉
溫樹三花總是唐
緬邈渾如連遠色
氛氲真是艷韶光
祈年誠慰慰還懼
夏長秋收正爾長

經冬望澤每無眠慶值春朝吉事駢訝可行時向蓬島
真成舉步踏瓊田霏微瑞色扶仙木颯灑寒光映綺錢
有喜得教近臣共重華文會例依前

補桐書屋

詰曲玲瓏石逕深每來端是稱子心新枝萋萋待三月
舊樹風華在四琴

斲舊材為四琴各有名篋藏室中

題壁詩成今續昔

開函書展昔猶今窓前正作紛糅勢却為農祥喜不禁

豐澤園

輶輶冰床度因臨豐澤園試耕還有待

園北為每歲試耕之地

問

景略堪存竹重琅玕節麥培餅餌根閭閻增富庶未可

禁人喧

千尺雪

新年行樂小蓬瀛泉石天然愛淑清

院名

水閣向稱千尺

雪春朝喜值六花霽迷離上下噴珠玉應答琤琮奏管

笙遲却寒山素梅約長官防誤恤民情

前已降旨今春南巡因去秋吳

中偏灾命有司賑恤為急特緩省方之期

是日望瓊島未至

傳宣內殿共吟詩
琴麗金根未可遲
閱古樓名清芬原滿

意瓊華秀色早迎眉
丹梯亦自防泥滑
玉樹相將吐萼
挺別有神心通妙理
望山端比步山宜

立春日雪與大學士內廷翰林等重華宮聯句

御製
立春六出降韶年
先節堪稱臘信然
是日未刻方立
春寅刻即降瑞

雪
耐可重華列文會

欣瞻

睿藻點瑤箋同雲幕歷符三素朝靄焚煜布九天

禁漏曉傳先霰集

臣傳恒

斗杓寅指恰珠駢東風運轉

靈威令百穀精推汜勝編星協農祥覘有慶

臣來保

御製

琯吹太簇樂無邊兆秋迎氣恩誠渥昨夜今朝瑞正

連詩詎獨教紀淳化

美應普見產于闐縈迴迴向金鋪舞皎潔從添璐

祀鮮遂覺土膏行漸軟

臣陳世倌

更看壁沼遇成圓霏

微漾影浮鳩鵲縹緲凝輝駐倥傯倒景晶瑩明藻

井臣蔣溥

御製鋪華雜沓印苔軌漣漣乍欲迷空宇靄靄全疑接遠

烟爆竹聲喧花並散

青幡影颭蝶俱翩信風纔到飛騰遍暖律剛迴頃

刻填玉作闌干樓十二

臣汪由敦

銀為宮闕界三千青

郊滲漉開平野粉嶠峻露遠巔霄路鬬酣龍天

矯臣介福

御製松巢歸認鶴踟躕繁英上下瓊枝綴曲蓋逶迤蓬島

旋是日幸瀛臺綺句攜來憑腹稿

珠囊占得愜情田上蘭虬幹粧逾好太液鯨紋拂

更妍紫陌土牛耕始動臣于敏中紅爐炭獸暖仍燃辛

盤擎出千絲縷甲煎燒殘萬點涎瑤圃菜挑三日

後臣董邦達

御製星橋燈翦浹旬前點衣謝客曾聞宋詠節張公昔號

燕祥映宜春輝寶帖

聲流解愠譜冰絃竹窓快展時札椒頌香分詠

絮篇官閣杯傾銀鑿落

臣王際華

御溝馬踏錦連錢偏

師憶度平淮騎逸興誰乘訪戴船灞岸最宜尋好

句

臣錢維城

御製袁門曾不廢高眠舞如綵鳳翩雙翼裝作雄獅怒兩
顴潤結鱗塍真利麥

厚霑繡壤盡除蛟泥融鴻爪循留跡凍解魚叉悟

得筌殷七催開原是幻

臣金德瑛

葛三描就果通仙甜

分西母來嫌谷紺采東隅獻廣延密不封條呈候

連

臣莊存與

御製細能莩甲報時先綾裁吉語斜飛勝箋纜鈎嬉倒曳
鞭積素光中諸事喜

萌陽節裏庶徵全登臺晃朗書雲物覩土潛滋驗
水泉佇駕蒼龍

巡泰岱

臣寶光

便馳羽檄定先零發揚總藉咸和詡寬大

頻聞

渙號宣人意一時忻盎盎

臣周長發

御製

天容此日淨娟娟宮梅借助均彈萼殿柳侵尋早吐
綿共許重茵抽秘思

深慚授簡聳吟肩餅調十字堆餘說茶試三清掃

後煎紀閨恰逢舒瑞英

臣錢汝誠

暖寒好是趁芳筵郢

中歌曲高難和

虞陞賡颺盛可傳色擬珪璋盈

北闕

臣張泰聞

御製種呈種陸湓南阡鼇山寒暎冰筵放駕瓦光凝玉筋

懸澤布勾芒周遠通占農心慰倍乾乾

立春日雪與大學士及內廷翰林聯句重華宮是

日復得詩二首

條風今日是新春吉色華光靄秧振茗果雅堪酬盛節
杯盤何必亟茲辰悅心甘澤霑三白堅齒生香試五辛
同有變時祈歲責即看京兆出耕人

青韶入律喜陽和瑞雪端因兆麥禾散漫烟輕微露日
紛敷花發不論科席珍會處那辭屢墨搢鵷成無乃多

數年以來每值新春燕賞無
不聯句或命書之以勒於石
不異股肱交儆意載賡庸

作豈妨歌

題元人雪霽捕魚圖疊舊作韻

平江不凍澄波清蘆汀風動飄晴霽扁舟家計本耐冷
盪槳那慮衝輕凌竹蓬寒色昨皴白布衫暖意新裁青
巨魚羨須結巨網奚事袖罟將手罾並心赴時婦子共
舉畏邪許齊經營古道誰知直鉤釣好音雅稱漑釜烹
春朝密雪兆農慶展觀興致居然增結撰頗異四家意

楊契丹法傳芳聲江行初雪貽趙生石渠秘賞曾吟評
底須致惜無名氏猶勝優孟衣冠混李成

題唐寅空江樓閣即用其韻

臨江倚壁為高閣八詠真堪暢好吟合是休文作碑記
其聲擲地定疑金

勵志詩

命戶部會計雍正十三年間蠲賑江南銀百四十
餘萬乾隆元年至十八年蠲賑江南銀二千四百

九十餘萬米稱是有以施博後難為繼為言者詩
以勵志

皇考勤民瘼明綸戒大吏災傷孰敢隱蠲賑廣儲備江
南稱水鄉霖潦每易致十三年之間百四十萬賜試較
古救災有過無不至眇予奉

家法屯膏懼非義十八年所賑過先二十倍災多賑以
多調幕惟增愧或云民習驕或云官示惠胥非我所知
所知痼瘼意損上斯益下卦文義昭示所全良必衆永

言勵吾志

人日瓊華島

凝和積素續嶙峋眺賞真宜七日人故事登臨傳勝節

國朝絲竹戒斯辰

是日以達國忌
例不舉絲竹

清遊靜寄翻成趣石

秀松挺倍有神即看春陰還釀雪多多益善豈辭頻

閱古樓

目成此日吟中句身在前朝望裏圖著壁風華千古閱
與稽豈止繫斯須

悅心殿

輕陰沓嶂籠積素連林綴松篁稱古春絲管屏華節朶
殿既深沈虛牖還清絕手潑金壺汁興飛玉田屑寧匪
頻來處今朝果心悅

題張宗蒼畫

奔泉百道下巉巖上構飛廊谷口銜設駕山雲呼作海
應疑瀑布挂為帆

新正恭奉

皇太后幸圓明園即景得句

首祚行時卜日佳金輿翠輦奉

思齊燈迎元夜銜花始畫對西山積玉皆澤潤芳階蘇
凍土融怡暖埭紐萌芽言泉也覺當春湧江硯宣毫取
次排

新正小宴外藩

一家中外逮渠搜三接從來禮數優
朵朵綵雲成瑞字
滾滾霑露泛春鵲
筵每先去聲上元節
列席教陪歸義

侯達瓦齊加恩封以王爵凡宴會皆令預之行慶底知心喜處即看積玉滿

峯頭

春園節物始妍和綵服華茵嘉客多桂核蘭湘方授兒
花雲藕樹未分科母俾底藉賓筵什易解教翻牧馬歌

樂部筚吹樂章中有牧馬歌蒙古曲也是日奏之

遠使堪嘉知悔過也令預宴

沐恩波

伊犁台吉宰桑等悔罪請擒賊自贖遣使輸誠是時使臣適至亦令入宴

新春萬壽山即景雜咏

外藩曲宴尚餘閒乘興因之萬壽山底識陽和旋轉處

梅心柳眼動相關

烟村爆竹遠連聲
稔歲欣占穀日晴
即看鱗塍多積玉
東郊應不誤春耕

開韶消息發春姿
苔色林光漸裊怡
那藉銀花將火樹
天然圖畫座中披

相推稔冉得能神
散步名山又曉春
著壁宗蒼畫尚好
憐他應喚隔年人

玉鏡平鋪雪未消
輕烟麗日湊初韶
尋春指日應何處

只在長堤接六橋

惠山園

山泉愛吳下位置學秦家韶節過今日梁溪不我遐喬
峯一窓畫積雪萬林花靜覺春心盎還同物紐芽

曇花閣

佛閣名稱優鉢曇清供暮靄與朝嵐普賢願力三千遍
不及色空空處參

進宮齋戒之作

民天重

祈穀致齋返九重
滌慮屏庶務遷坐居法宮
顯若對銅人如臨師保
同惟有望江南災餘憫
彼農何當大轉旋
澤國綏我豐

祈穀禮成恭紀

祈辛兆祀禮

皇乾國本民依意
倍虔大武一元角
繭粟朱干八佾羽
翬去年曾是希

鴻佑

上春祈穀禮成迷事有更冀

鴻禧奠西極之上

蒼慈佑也

西極真教奠塞垣求定

明昭賚耆定綏豐益祝萬邦連

雪

正月十四日

春朝雪已兆祥符優渥重欣此番

去聲殊恰自

祈辛邀

帝祐雅堪迎節奉

慈娛松筵竹節皆珠玉水榭山亭總畫圖添得燈宵多

少景不孤滕六費工夫

題閣立本蕭翼賺蘭亭圖

御史陽陽僧嗒然蘭亭不復弄
藏金唐宗何事窮蒐寶
房相奚稱善進賢

文徵明林徑微吟圖即用其韻

江落林疎山復空
移情何必海天東
抱琴童子踟遲步
閒止幽懷自忖中

上元前夕曲宴宗親

傳柑家慶豈賓筵愷悌還居禮樂先授几恰當人日倍

張燈合是節宵前

曲宴宗親
率在是日

漫言寶月藏澄宇共吉祥

霽遍甫田行葦南山同賦什春音端在徵招絃

上元燈詞

年年有個上元來燈月難逢雪色皚遮莫紫姑還卜歲
恩膏早是夢根培

空中飛綫爍烟光頃刻春臺遍煒煌恰似青陽迴一氣
千葩萬卉總昌昌

南油西漆齊爭巧
翠火明燈各鬪奇
百歲休和匪易致
獨惟返樸厪予思

密葉攢枝皆鏤玉
虬膏鶴鰓總生花
茅檐繾綣彼多貧者
一盞糠燈對怨嗟

太乙虔祠祝有年
瑞霙頻疊積瓊田
廣陵聞說風光好
遙憶災餘恐未然

片時適已會寧可
一日同民樂亦應
權衡輕重中難得
戒在丹書謹服膺

賢王舊習威儀秩蕃長新叨黼黻加起舞稱觴齊上壽
而今中外信同家

鰲負奇峯現三島龍銜寶炬翦千枝舞成天下太平字
先得吾心念在茲

上元後一日小宴廷臣並許觀燈火

積玉平田復遠岑占農共慰劬農心可知逾日猶稱節
即看鋪雲又作陰調鼎鹽梅思說命鳴鈞角徵叶韶音
樓西景倍常年好勝賞應同翰墨林

漫言玉甃隱冰光不夜城中樂未央千葉金蕖敷蒂萼
兩行翠篆燭焜煌春雷響啓坏泉蟄火樹烘催羯鼓芳
何必虹橋誇幻景憂心先已到維揚

題君寶玉印

瑞玖鐫英篆貽今七百年真成行以字所寶信惟賢君
寶宜留相臨川空檀權還勝鄭公笏名與器俱傳

趙孟頫吹簫士女用宋漁韻

瑄玉欲吹意有指六么俗調一以洗石牀夜靜更無人

古月挂天碧如水，緱山那憶桃花紅。
隨家翠羽空蔥隴，荒唐漫擬乘鶴鳳。
叅差底說瞰魚龍，醺醺泠泠幽復咽。
越羅秋衫薄於葉，蘭膏墜髮顰臉波。
黛色連山蹙眉月，紅玉雙痕幾點血。
片片停雲為誰裂。

讀蘇武傳

成仁不辱自堪表，齧雪餐旃忍未然。
遷史好奇班亦爾，

子輿早及武成篇。

常謂正史當存實錄，毋貴奇特。苟其事足信人義足勸世，斯可矣。如蘇武

之仗節誓死不辱，君命誠人臣之極則。操節收軀，有百折不回之氣。匈奴敬之，始而絕飢，繼則給食，是誠情理

所必有而亦忠貞之可傳也若必謂齧雪咽旃則雪或可齧旃必不可咽即一時齧之咽之亦非數日可常藉以不死之事以是為武節將恐智者疑其不然矣予故論其奇而閤之又武掘野鼠去中寶而食之張宴注謂取鼠及草實并而食之師古是蘇林之說以為取鼠所藏草實而食之張注誠舛鼠無可食之理而劉攽以為北方野鼠之類甚多皆可食誠堪嗜飯今漢北有野鼠蒙古名曰鄂和托那每取草實藏穴中以為食其草實之名則曰墨克爾他槩弗取喀爾喀窮乏之人多有掘得之以為充飢具然必留少許於穴中蓋謂既攘彼食不宜盡食其糧致飢而死也此事足徵武所為而惜蘇林師古所載皆未詳故並識之

燕九燈詞

晚來風定紫瀾輕花更光輝炬更明何必仙家徵故事

夜珠宮殿總瑤京

試燈已過踏燈開
瞥眼流陰正好看
欲向法光輪轉處
不遷識取月輪團

來使昔年叨宴賚
降汗今日侍威儀
燈前舉似錢王事
惟道知恩餘不知

絳蠟千枝齊燦爛
火蛾萬點迴飄蕭
玉輪也覺遲遲輾
婪尾風光是此宵

題董邦達摹王蒙幽林清逸圖

卜居遠塵世據勝即仙家古枯多幽籟新蕉抽嫩芽應
時供筍蕨探節話桑麻門對澄潭泌遙源雲外賒

率題

報豐為慰報灾感慰感何常有必心只有自憐人不識
慰心那抵感心深

題宋高宗手賜岳飛勅卷後

飛白精忠早賜旗霜寒又厖上流師

用勅中語

本來原是腹

心託十二金牌竟若為

頻聞

頻聞西師信脅從剿撫多

阿巴噶斯諸部脅從者剿其渠魁而撫其餘衆所收人畜

甚渠魁就獲否遲待音如何華鐙縱酬節萬里懷枕戈

情知天助順衆憤惟么麼塗炭其鄂拓猺獮其綽羅

阿睦

爾撒納素傑狡兇惡誘遠瓦齊戕喇嘛多爾濟達知爲衆所共憤計無復之乃不得已率所屬來歸幸竊恩遇

飢鷹忽來投恩顧曾無過封狼終竄去曾匪嚴辭訶本

意攘四部事逆理則那恃計計今窮奚賴三窟窠獨厓

王臣勞渼歲契濶歌更念歸化人游牧廢寢訖佇俟紅

旗遞集賽馳明駝

蒙古地馳驛皆以駝

雪嶺兵氣銷瀚海春風和

萬壽山春晚

堂堂華節度無何春晚名山試一過
雪積峯陰猶作冷冰凝湖面未生波
閑餘最喜心依靜淡處遙欣物釀和
藻鑑名堂何曾著塵染却因即景倩詩磨

石枋

雪棹烟蓬何礙凍春風秋月不驚瀾
載舟昔喻存深慎磐石因思永奠安

清可軒

闢闢披嶺雲拾級尋崖石一晌早延清三間豈嫌窄茶
火軟通紅苔冬嫩餘碧儻來輒憑窓促去不暖席便宜
是詩章往往鐫瓊壁

玉河泛舟至玉泉

不凍靈源川路連溶溶新水漾輕漣緩移畫舫過石舫
背觸憑參離即禪

柳染輕黃苔著綠沿堤春色遞來徐碧溪幾曲烟宮近

記取行時今歲初

玉河之水達玉泉泉上峯安亦玉然方折何曾借攻錯
生烟日煖見藍田

靜緣書屋

月鏡雲紳間書室花宮側累林綠帷張豎峯玉笏植容
膝已不啻存意於馬息可以觀化機亦因養性德設如
假濂溪於中注太極

霞起樓

倚迴為崇構雲峯罨四鄰澄觀太古契韶景載陽新窓
意已含畫天容醞釀春好山方可望行復撰良辰

竹壚山房

泉上築山房山泉引興長竹壚宜火候瓷椀發茶香習
靜寧耽逸勅幾敢道忙小停促歸去無暇我之常

填倉日漫題

倉廩實而弗知民之飢是上慢而殘下知民飢而倉廩
弗實何有乎耕九而餘三也弗知豈明叶弗實豈康曰

此日為填倉念灾餘分江鄉縱發帑而截糧愁濟救之
無方大官典常歲華傳慶刲豕烹羊睠然南望玉食弗
遑蒿目徬徨

王淵秋山行旅圖

旅食是何人長途不避塵驢忙怨前路見野起聞津大
似杜工部勞經三十春澹軒工屬詠圖外有清新

正月晦日瀛臺

華鐙排日度侵尋典學明裡要並欽敢事嬉游御苑駐

用因齋戒法宮臨趯臺路便聊留目霽雪泥融足慰心
却笑湖山常自若先憂曾幾暢清襟

遐矚樓

高樓延遠稱遐矚詎為憑窓萬景全欲效重瞳思廣視
還虞一指蔽當前

聞雁二首

渚北冰融漸泛漸衡陽候鳥已先知舍人七字真清俊
回雁高飛太液池

徘徊欲下猶嫌凍來往無端總識春試聽嗷然惟益感
江鄉倦彼被災民

惇叙堂

惇叙名堂始自予每來欲去且徐徐齊家治國從來重
木本水源未可疎瓊壁聯吟七字在錦筵迴首十年餘
會當歲美還幾暇行葦和歡更繼初

素尚齋

瀛臺金碧輝淑清泉石邃泉石大家四金碧將軍二畫

品有定評奚煩重致議所以臨西苑淑清必一至倚巖
架樸斲古樹圍翁萃迸水流不冰詭峯飛欲墜齋名取

山莊

避暑山莊有此
名昔曾留詠

敬識

聖人意崇情返樸真澆習防浮偽兩言契葛亮六策懷
賈誼用當去聲座右銘浴德期純粹

進冰床攬瓊華島諸勝

岸柳將舒眼液波尚凍心冰床猶可渡瓊島便因臨亭
榭日成趣杉松歲與深東郊屆舉趾即景望春陰

漪瀾堂

堂坐漪瀾瀾未漪澄觀恰得會心資氣機理趣無多子
好是端倪蘊釀時

嵌巖室

見天於仙壺生樹不土壤谷情有顧盼峯勢自偃仰揭
簷低可尋布席方容丈近步雖縈紆遐視極寥朗王宰
奚形容韓衆或來往

澹寧齋

澹泊水之德寧靜山之體山水智仁樂宣尼詔我矣寓意每名齋繕性以修已契理得儀型懷安戒奢侈志明遠亦致詎自武侯始

環碧樓

窈窕迴廊宛轉通到來層構簞壺中討源每以初艱致得趣因之轉不窮座挹山光將水態窓延秋月與春風憑高望遠真空濶正藉巖枝護鬱葱

題趙孟頫畫菜

翠翻瓊片葉叅差玉食何妨此味知記得蘇堤香撲馬
濛濛春雨作花時

題文徵明蓮池濯足

炎夏乘涼濯虎丘

見徵明自識語

軒軒高致傲王侯蓮池漫道

方盈畝津逮臨淄萬里流

御門口號

御門閣部奏封章進止疇咨不厭詳一日萬幾寧止是

要因愛禮亦存羊

本朝益無間時

家法日接廷臣宮中行在

不藉御門然後為對敬勤

政也故
偶及之

春陰六韻

靄靄凝青氣英英吐白雲鋪空方蘊釀作勢乍霏零膏

澤月過半

正月十四日得雪
及今將過半月

農時春未分蒸為雨誠好

便集霰應欣祇此常關切其他非所云寄言臺上者莫
浪謝氛氲

夜雪

燃脂小詠玉蟲熬銀砌鋪平報內曾二月紐芽遲北地

六雲融土即春膏無妨畫許王家絕詎必詩稱蘇氏豪

獨繾王臣尚于役落蘭應是滿弓刀

時將軍策楞等率師剿捕阿睦爾撒

納駐落克蘭之地落克蘭急呼之則為落蘭蓋蒙古相傳語疑樓蘭乃以音韻相近而訛書耳

晴

候寒惟北方二月雪猶常終恐過凝凍其如茲載陽一
時玉融白萬戶襖披黃後樂樂何有先憂憂未央

盆梅

盆梅別遲早燦發恰當春今日香風滿端知雪有神

王紱春流出峽圖

水驛山途各趲程問誰忘世得無營九龍一幅蕭蕭筆
別有悠然訪荔情

仲春經筵

泉汲靈源蕉剥芽春風又復啟文華惜陰所重恒於此
隔歲猶嫌忽已賒

去歲未行經筵

一日萬幾天命勅性誠明教

聖功加

是日進講尚書勅天之命惟時惟幾中庸自誠明謂之性自明誠謂之教

儒冠采服

魚魚者典學虛文莫漫誇

詠周餗簋

從竹製虞脆鎔銅意取堅馨香升黍稷內外別方圓義
凜殷康戒名留戲叔鎬二語用銘中意穆然見文武安得與周
旋

題張宗蒼畫

一叟悠然放舸船釣竿閒置荻蘆烟了知不為鱸魚膾
明月清風意灑然

仲春釋奠

先師

經筵昨甫過釋奠此親臨寧僅崇文典惟殷望道心衣
冠集魚雅殿幕仰深沈道法參天地

神依貫古今千年綿後裔

聖裔襲封衍聖公孔昭煥是日遶陪祭

六佾協

元音

聖藻光楣栒

大成

殿內

皇祖

皇考皆留匾

君師責並欽

讀左傳

荀吳伐鮮虞鉅鹿圍其鼓或請以城叛穆子拒弗許好

惡苟弗懲民皆知適所弗賞為失信賞惡去聲則何取欲

城而邇奸所喪多無補鼓人殺叛人繕備更守禦圍之

又三月請降仍致語民猶有食色姑修而城拒食竭告

力盡取之方振旅不納叛仍當去聲不撫降何處信如待

食竭管命豈弗苦何云不戮一謬託怠弗賈子魚誚宋

襄致志鼓僥可叶設其愛二毛則如服於楚比義可知

非何事丘明敘浮夸真定評吾聞之韓愈

題王蒙有餘清圖

雲橫青嶂遠屋繞綠林陳真覺樂無悶堪名清有餘山
妻供雞黍野客話琴書却笑騷人昔何須更卜居

春祭

社稷壇禮成述志

鑾輿鳳闕向西旋敬舉春祈吉戊涓素積烟融雪以後
陽烝豚發社之前是月二十日春分始社於論鐘鼓調宮徵誕降

秬糜薦豆遵更冀

麾褫錫昭假獻俘指日外壇邊

凡獻俘者白組繫俘陳於外壇旁時阿睦爾撒

納尚未就
獲故云

御製詩二集卷六十